

Школ-интернатс

гаргъхми

Партии XXI-ч хург деер Н. С. Хрушевин кех докладни тезисмуд мана ори-нутгн цуг оан-амтиг ик динлврүр дуудж омгшаджана.

Бяадл-джиргьалла школмудин залгьлдаг батруллгьна боли ори-нутгт эрдм-сургьулин системиг цаарандиь делгрүллгьна тускар батдаж авгдх долан джилни зурад школ-интернатет ик оныг өггдджаня.

Мана республикд, нег үдү Юстинск, Яшкульск, Черноземельск райодт цагин икнъкднъ малчир, хөөчир оны хошмудар боли фермсар нег-негнаси хол бяадг учрар, школ-интернатс гаргъх төр тавх кергта.

Эн райодт бяах школмуд йир бички-бички, нег багш кесг класс сургьна, тегад сургьульчирт сан медрл өгхш. Келхд, Черноземельск района «Черноземельский» совхозин фермсар эклцин 4 школ бяаня, теднд 73 сургьульчир сурна. Эн школмудин гермүднъ му, сургьульчир белдлгьна кодлмш сул. Эн үүрмг школмудин ормд совхозин централни усадьб деер 300 — 350 ормта школ-интернат кехла, йир олзта болх билля.

Мана республикд государствин теткврт кесг интернатс бяаня. Мана районд 250 сургьульчирта 4 тиим школ бяаня. Болв эди политехническ сургьлгьна көрнъ уга, сургьульчириг производительни кодлмшля таньлдулдж, дамшлтин, медрл өглгьн татугьар кегдня. Эн школмудин негиднъ чигн автомашин, трактор, селаня эдл-ахун машинд, мастерскойс, дасхлтин кабинетс уга.

Тер учрар Хар газрт, сан материални тетквртя ик-ик школ-интернатс тосхад, ода бяах бички-бички интернатсиг уурулх төр бидн тавджанавди. Иим интернатсин сургьульчир сул цагтан мастеркойст, хаврнамрин цагт боли зунд хөөчирин бригадсар, келхд, хургь асрдж өсклгьнд, өвсня хадлгьнд боли нань чигн селаня эдл-ахун кодлмшд өргяр орцулгдхм.

Иим төр сургьулин зурад тоолгдх зөвтя. Иим школмудин кодлмшн сургьульчирт хөөчирин, полеводсин трактористрин, шофермүдин, токармудин боли нань чигн квалификац өгч чадм дүнъгягьяр бүрдягд зөвтя.

БООВАН Мандж,

Черноземельск райОНО-н заведующий